 <p>HAVAAKHANUT NAUNAITKUTAIT</p>	
<p>Allatqiiit Havaakhanut</p>	<p>Havaktuliyiyit Maliktakhait Ilangani 902</p>

ALLATQIIT HAVAAKHANUT

PIDJUTAA


1. Havaktuliyiyit angiyumik iluuyut pittaariangani kavamatkut havakpaklutik ihuaqtunik nakuuyuniklu havaakhanut havaktauyaghanullu. Imaalu havaktighaqhiurnikkut havaktughamik havaariraaqpaktakhaanut taimunga, havagviit havaktighaqhiunginnarialgit havaktughamik hivitunikhaqaqtumik pilugu, ukiup iluani ilangani imaaluunniit ublup ilanganiinnaq pipkklugit ihuaqtumik pilugit havaakhamut havaktauyakhanullu piyumayainik.
2. Ikayuutikhat hivituniquaqtunut, havallaktunut, ilainnaani ukiup iluani ublut ilainnainnitluunniit havaktunut allanganiarungnaqhiyut tahapkunanga pivagainnut havaaqaqhimmaaqpaktunut havaktunut. Allat naunaitkutikhat ikayuutikhanut takuinnarialgit ihuaqtumik iliyauhimagayunut uumani Maliktakhami.

IKAYUUTIKHAINUT

3. Ukuat maliktakhayut havaktauyakhallu pihimagayut tamainnut havaktinut.

NAUNAITKUTAIT

4. **Havallaktuq** kangikhidjutaa inuk havaktitauhimayuq havaktillakhugu.
5. **Havakhimmaaqtut Ilainnainni Ikaaqnini** havaktut tahapkuat havakhimmaaqhutik kihimi ikitqiyani ikaaqnini havakpagainnit ubluq havakvikmi, havainniqmi tatqirhiutimiluunniit.
6. **Hivitunikhaqaqhutik Havaktut** havakpaktut ihuaqhaqhimayumik hivitunikhaanut qaangikhugu hitamani tatqirhiutit. Iniqtirutaanut naunaikhimayumut tatqirhiutinut, hivitunikhaqaqtut havaktiit havaakhaikpaktut.
7. **Ukiungani Ilainnaani Havaktut** ukuat havakpaktut ukiungani iluani ilainnaani havakhutik, havakhimmaangittut ukiungani kihimi havakpaktut nakuuyumik aulavakkumik ukiunginni.
8. **Havakhimmaaqpakhutik Havakpaktut** ukuat havaktut havakhimmaaqpakhutik, kihimi allat hivitunikhait naunaiktaukpat.

 <p>HAVAAKHANUT NAUNAITKUTAIT</p>	
<p>Allatqiiit Havaakhanut</p>	<p>Havaktuliiqiyit Maliktakhait Ilangani 902</p>

ILUANIITTUT


Havakhimmaagtut Ilainnainni Ikaaqnini

9. Havakhimmaagtut Ilainnainni Ikaaqnini havaktiit pittaagtut tamainnik pittaagtanut ikayuutikhanut pihimayunut ataani uumani Angirutikhami kihimi maliklugit pittaagtanut iluaniittunut uumani Kavamatkuni Aanniartailinirmut Munaqtaunikkut Qanuriliurutikhaq (PSHCP), Havaguiqhimayut Akiliktirutikhait/ayuqhautiqaqtunut Qullangnaiyautikhat unalu Kigutiliqidjutikhanut, aadjikkutainnut inmik ukiungani ikaaqniinnut havakhutik havaamingni. Una ilauyuq Ukiuqtaqtumiutanut Akiliuhianganut Ikayuutit.
10. Havakhimmaagtut Ilainnainni Ikaaqnini havaktiit ikayuqlutik piyughayut uumunga havaguiqhimayut akiliktirutikhait taimaa havakniarumik 12-ni ikaaqnini atauhiqmi havainiqmi.
11. Havakhimmaagtut Ilainnainni Ikaaqnini havaktiit ilaunginnarialgit uumunga Kavamatkuni Aanniartailinirmut Munaqtaunikkut Qanuriliurutikhaq (PSHCP) havakpakkumik taimaa havakhimmaaqpiaklutik hivitunighaani, ilainnaani ukiungani iluani, hivituniani amigaitqiyamut 6-ni tatqirhiutini imaaluunniit iniqtirhimagumik 6-ni tatqirhiutini taimaa atayani havakhimmaaqhutik.
12. Havakhimmaagtut Ilainnainni Ikaaqnini havaktiit pittaagtut ikayuutikhamik illirilutik taaffumunga ayuqhautiqaqtunut qullangnaiyautikhanut havakpakkumik amigaitqiyaanit atauhiqmik-pingahunut pivagainnut havaktakhamingnut ubluk tamaat ikaaqnini inmik iqaiyaidjutikhainut katitlutik, tikkuqaqtauhimagumik naunairiikhimangittumik hivituniani hivitunikhaqaqqatluunniit amigaitqiyaanit 6-ni tatqirhiutini imaaluunniit iniqtirhimagumik 6-nik tatqirhiutini taimaa atayumik havakhimmaaqhutik.

Hivitunikhaqaqhutik Havaktut

13. Taimaa una hivitunighaqaqhuni havaktuq tikkuqaqtauqpat Havaariraaqpaktakhaminut havaakhamut, taimaa havaktuq havariyaminut ihumagiyauniaqtuq taimaa atayumik havaktuq ubluanit hivulliqmit havaktitaungmat.
14. Pidjutigiyaainnut pittaagtanut ataani Nunavunmi Havaktiit unalu Nunavunmi Ilihaiyit Katimayit havaktunut angirutaudjutingit, havaktut hivitunikhaqaqhutik havaakhaqaqtut ilauttaagtut atuqpagainut pitquyainnut qanuriliurutikhainullu kavamatkuni havaktunut.

15. Havaktiit tikkuqaqtauhimayut hivitunikhaqaqtumik 6-ni tatqirhiutini ikitqiyaanutluunniit ilaulimaittut ataani uumunga *Kavamatkut Havaktinginnut Havaguiqhimayut Akiliktirutikhait Maligaq.*
16. Hivitunikhaqaqhutik havaktut pittaaqtut ikayuutikhanik illirilutik PSHCP-mut unalu ayuqhautimut qullangnaiyautikhanut havakkumik hivituniqaqtumut amigaitqiyaanit 6-ni tatqirhiutini, imaaluunniit

 <p>HAVAAKHANUT NAUNAITKUTAIT</p>	
<p>Allatqiiit Havaakhanut</p>	<p>Havaktuliqiyit Maliktakhait Ilangani 902</p>

taimaa atayumik havakhimmaarumik talvani kavamatkuni havaktuni taimaa 6-ni tatqirhiutini.


17. Una hivitunikhaqaqtumik havaktuq havaktitauhimakpat ataani titiraqhimayumi 52.01 (d) uumaniluunniit 52.01 (e) havagviuyuq naunaiktinniaqtaait havaktiit ikayuqtit pidjutainnut.

Ukiungani Ilainnaani Havaktut

18. Ukiungata ilainnaani havaktuq atuqtakhaminik katitirivaktuq ihuaqhihimayumik nampaanik tamainnut tatqirhiutinut taamna havaktuq havakpakpat taimaa qulini ubluni akiliuhiaqhimakpat. Haalitiirutikhait tunittaaqtangit ukiungani iluani ihuaqqat auladjutinut piyakhainut. Katitiriiqhimayut haalitiirutikhat Atuqhimaittut atuinnarialgit iniqtirutaanut ukiungani hivumuurutigilugu havaamut 20-nut havainnikni nuutlugitluuniit tuglianut ukiunganut.
18. Tamaita katitirihimayut aanniarnikkut unalu qilaminnuaq havaguiqhimallagutikhanut atuqhimaittut iniqtirutaanut atauhiqmi ukiungani iluani nuutpaktut tuglianut ukiunganut. Havaguiqhimallagutikhat atuqtakhangit katitiqtauyuitut ukiungani iluani havaguiqtitauhaangata.
19. Aanniartut aanniarviliarutivlutik tingmidjutinut ikayuutikhat atuqpagaait kihimi tunivagait ukununga ukiungata ilainnaani havaktunut ukiungata iluani, atuqtaulimaittutik talvani ukiungani iluani havaguiqtitauhimakpata.
20. Taimaaqtitrutainnut akiliktirutikhainut akiliuhiakhat ukununga ukiungani ilainnaani havakpaktunut havalikhimayunut tikitinnagu Apitilirvik 2, 1995:
- Piinnarialgit uuminga taimaaqtitrutainnut akiliktirutikhainut akiliuhiakhat iniqtirutimingnut hitamani ukiuni havakpakhutik kihimi taimaa taimunga havguiqtitauhimayunut, taimaatut havaktauyuq iniqtiriyughaukpat atauhiinnaqmik ukiungani havakluni.
 - Atauhiqmi ukiungani havaktunut uumunga taimaaqtitrutainnut akiliktirutikhainut akiliuhiakhat pidjutikhainut pihimayuq 261-ni ubluni havakhimmaaqhutik taimaa.
21. Havaguiqhimayut Akiliktirutikhait piiktauyakhat iniqtirutaanut 6-ni tatqirhiutini naunaittumik atayumik havakhimmaaqtunik. Ukiungani iluani havaktut piinnariaqarungnaqhiyut ataani uumani Havaguiqhimayut Akiliktirutikhait talvani ukiungani iluani havaknaittumi. Kihimi, illiriinnariaqaqtut talvaniinnaq hivituniani havakhimmaaqgata. Ukiup iluani

hivituniit havaguiqhimayuni atuqtauyuitut ikayuutikhaqtumik havaktumik.

22. Una ukiungata ilainnaani havaktuq illirivaktuq ikayuutikhaminik uumunga Havaguiqhimayut Akiliktirutikhainut, havaktauyuq pivaktuq ikayuutikhaminik ataani Ilaliutihimayuq Tuquyunut Ikayuutikhaq talvani ukiungani iluani havaguiqhimallaktillugit.

 <p>HAVAAKHANUT NAUNAITKUTAIT</p>	
<p>Allatqiiit Havaakhanut</p>	<p>Havaktuliyiit Maliktakhait Ilangani 902</p>

23. Ikayuutikhat ayuqhaqtunut qullangnaiyautikhanut pivagait 6-ni tatqirhiutini havakhimmaakpakkumik atayumik (ukiungani iluani havaguiqhimallagutingit hivituniit ilaungittut talvani 6-ni tatqirhiutini piyakhainni). Havaktup ukiungani iluani ikitqiyauyuq 6-nit tatqirhiutinit, ukiungani iluani havakpaktuq pilimaittuq ukuninga ayuqhautiqhaqtunut qullangnaiyautikhanik ikayuutikhanut. Taimaa havaktuq pittaaliqqat ikayuutikhamik, ihuaqhaqniaqtaat tamainni tugliani havagiaktuffaaqqata.
24. Ukiungata ilainnaani havaktuq piinnariaqaqtuq PSHCP-mut ikayuutikhamik iniqtirigumi 6-ni tatqirhiutini taimaa atayumik havakhimmaarumi. Talvani iluani ukiungani havanaitillugu, havaktauyuq tuyuktughauyuq akiligakhaminik pihimayumagumi ikayuutikhanik.
25. Ukiup iluangiinnaq ilangani havaktuq piinnariaqaqtuq ukiungata ilainnaani havaktuq pittaqaqtuq piluni akiliuhiaminut akikhiyuumidjutikhainut iniqtirumigit 12-ni tatqirhiutini havakhimmaarumi. Ukiup iluani idjuhia allan'ngukpakmat ukiunganit allanut ukiunganut, akilluanga akiliuhianganut akikhiyuumidjutikhaanut ublua taimaa piniqtaat "tutquqhimayutut pilugu" naunaiktauniaqhugutauk iniqtirutaanut 12-ni tatqirhiutini taimaa atayumik havakhimmaaqqat.
26. Tiliuqtit piyughauyut iniqtirilutik ilainnaanut naunaitkutikhanik tamainnut ukiup iluani ilangani havaktunut iniqqat ukiup iluani havaktunut. Taimaatut ihuaqtumik havakpagainut naunaiyaiyaanginni titiraqlugit tikitinnagu pivikhaanut ublua.

HAVAGVIUYUT NAUNAITKUTIKHALLU

27. Havaktunut Angirutilluanga NEU-kut
Titiraqhimayumi 4, Atugutikhait
Titiraqhimayumi 51,
Havallaktunut
Titiraqhimayumi 52,
Hivitunikhaqaqhutik Havaktut
Titiraqhimayumi 30,
Taimaaqtirutainnut
akiliktirutikhainut akiliuhiakhat
28. Havaktunut Angirutaudjutaat NTA-
kut Titiraqhimayumi 12,
Havaktughaqhiuqnikkut
Maliktakhait

UQAQVIGIVIKHAT

Qiqaiyaqvik 31, 2009

29. Naunairumagungni, uqaqvigilugit:

**Aulapkaiyi Havaktuliyiyini
Kivgaktuiyit Havaktuliyikkut
Iqaluit, Nunavut**

unaluunniit

 <p data-bbox="397 212 667 283">HAVAAKHANUT NAUNAITKUTAIT</p>	<p data-bbox="824 247 1219 283">Havaktuliyiyit Maliktakhait</p>
<p data-bbox="349 289 678 323">Allatqiit Havaakhanut</p>	<p data-bbox="824 289 1003 323">Ilangani 902</p>

**Aulapkaiyi Akiliuhiakhanut
Ikayuutikhanullu
Kiinauyaliqiyikkut
Iqaluit, Nunavut**